

Newspaper	UTUSAN MALAYSIA
Date	11 APRIL 2016

Dr. M sudah terdesak - Salleh Keruak

KUALA LUMPUR 10 April - Gesaan Tun Dr. Mahathir Mohamad agar pihak asing campur tangan dalam usahanya menjatuhkan Perdana Menteri, Datuk Seri Najib Tun Razak, merupakan satu lagi bukti betapa terdesaknya bekas Perdana Menteri itu sekarang.

Menteri Komunikasi dan Multimedia, Datuk Seri Dr. Salleh Said Keruak berkata, gesaan itu amat tidak bertanggungjawab terutama jika diimbau kembali reaksi Dr. Mahathir ketika zaman pemerintahannya jika ada cubaan campur tangan pihak asing.

Katanya, ketika beliau berkuasa selama 23 tahun dahulu, bekas Perdana Menteri itu dengan keras akan berkata, negara luar tiada hak untuk campur tangan dalam urusan domestik Malaysia, jika ada pihak atau kerajaan asing mengkritik kepemimpinannya.

"Malah, jika ada mana-mana aktivis politik tempatan yang bekerjasama dengan pihak asing untuk mengkritik Malaysia (ketika zaman Dr. Mahathir), mereka akan ditahan atas alasan mengkhianati negara," katanya dalam blognya, sskeruak.blogspot.my hari ini.

Dr. Mahathir dalam satu wawancara bersama akhbar Australia, *The Weekend Australian* berkata, hanya tinggal sedikit harapan Najib akan berundur tanpa tekanan luar menyebabkan beliau bersetuju jika campur tangan tersebut mampu menjatuhkan Perdana Menteri.

Beliau dipetik sebagai berkata: "Kebiasaannya saya tidak suka campur tangan asing dalam urusan Malaysia tetapi saluran untuk kami membetulkan keadaan telah ditutup sepenuhnya.

um - 11/4/2016

Jika ada mana-mana aktivis politik tempatan yang bekerjasama dengan pihak asing untuk mengkritik Malaysia (ketika zaman Dr. Mahathir), mereka akan ditahan atas alasan mengkhianati negara."

SALLEH SAID KERUAK
Menteri Komunikasi dan Multimedia

"Jadi sekarang kita kena beri laluan kepada campur tangan asing dalam urusan domestik kita. Jika ia sah, ya. Jika mereka ada maklumat, mereka mesti memberikan maklumat dan jika ada perubahan wang haram, jika kerana membabitkan Najib, itu tidak bermakna mereka mesti menanggungkan undang-undang itu".

Dalam pada itu, Salleh menilai tindakan Dr. Mahathir sebagai satu perkembangan terbaharu kepada usaha menggulingkan Najib dan melahirkan rasa terkejut dengan kesanggupan bekas Perdana Menteri itu meminta campur tangan asing ke atas Malaysia.

"Tiada pemimpin akan selamat jika semua kita bertindak menjemput kuasa asing untuk campur tangan dalam hal ehwal domestik negara setiap kali wujud isu politik atau semata-mata bagi menjayakan usaha mengguling kerajaan sedia ada," jelasnya.